

## 17. gr.

Húseigandi ber ábyrgð á greiðslu vatnsskatts húsa. Atvinnurekandi ber ábyrgð gagnvart vatnsveitunni á greiðslu vatnsskatts. Eigandi framleiðslustöðvar eða atvinnustofnunar ber ábyrgð á, að vatnsskattur af vatnsskattsskyldri framleiðslu eða verkun á stöð hans sé greiddur í gjalddaga.

3

6. jan.

## 18. gr.

Reikningsár vatnsveitunnar er almanaksárið. Gjaldalagi vatnsskatts húsa er 1. júlí ár hvert og greiðist vatnsskatturinn í einu lagi fyrir líðandi ár. Vatnsskattur samkvæmt 15. gr. fellur í gjalddaga um leið og varan er framleidd. Vatnsskattur samkvæmt 16. gr. fellur í gjalddaga mánaðarlega eftir á eða þegar rekstur hættir ár hvert. Vatnsskatt má innheimta með lögtaki á kostnað notanda.

## 19. gr.

Heimilt er hreppsnefnd fyrir eitt ár í senn að hækka eða lækka vatnsskattinn um allt að 50%.

## 20. gr.

Brot gegn reglugerð þessari varða allt að 500 kr. sektum, nema þyngri refsing liggji við að lögum. Mál út af brotum gegn reglugerð þessari skulu sæta meðferð almennra lögreglumála.

Reglugerð þessi, sem samin er og samþykkt af hreppsnefnd Egilsstaðahrepps, staðfestist hér með, samkvæmt vatnalögum nr. 15 20. júní 1923, sbr. lög nr. 93 5. júní 1947 um aðstoð til vatnsveitna, til þess að öðlast gildi þegar í stað, og birtist til eftirbreytni öllum þeim, sem hlut eiga að máli.

*Félagsmálaráðuneytið, 6. janúar 1954.*

**Steingrímur Steinþórsson.**

*Hjálmar Vilhjálmsson.*

## REGLUGERÐ

fyrir vatnsveitu Þingeyrar.

4

6. jan.

## 1. gr.

Hreppsnefnd Þingeyrarhrepps hefur einkaleyfi til sölu vatns á svæði því, sem vatnsveita hreppsins nær yfir og hún getur fullnægt, og einnig til hafnarinnar á Þingeyri.

## 2. gr.

Öll framkvæmdastörf, er vatnsveituna varða, annast vatnsveitustjóri í samráði við hreppsnefnd, og skal hann kosinn af hreppsnefnd til fjögurra ára í senn, jafnt og kosið er í aðrar fastar nefndir.

## 3. gr.

Frá vatnsæðum veitunnar má enginn leggja vatnsæðar nema með leyfi vatnsveitustjóra. Hverjum húseiganda ber að greiða allan kostnað við lagningu vatnsæðar úr götulögnum í hús sín og annast viðhald þeirra. Skylt er hverjum húseiganda að gera tafarlaust við vatnsæðar sínar, ef leki kemur að þeim. Enginn má setja aflvélar í samband við vatnsveituna, nema með leyfi vatnsveitustjóra.

4

6. jan.

Vatnsveitustjóra er heimilt að fara um hús manna, þar sem vatnsæðar liggja, til þess að athuga þær og tæki þau, sem sett eru í samband við þær. Ef honum þykir útbúnaði að einhverju leyti ábótavant, skal húseigandi tafarlaust bæta úr því, ella má gera það á hans kostnað.

Heimilt er vatnsveitustjóra að loka vatnsæðum fyrir þeim, sem vanrækja að gera við bilanir á pípum eða tækjum, eyða vatni að óþörfu, eða greiða ekki vatnsskatt á réttum gjalddaga. Fullan vatnsskatt ber einnig að greiða fyrir þann tíma, sem vatnsæðum er lokað af þessum sökum.

5. gr.

Engum er heimilt, án leyfis vatnsveitustjóra, að taka vatn úr brunahönum vatnsveitunnar.

6. gr.

Af öllum húsum á Þingeyri, sem virt eru til fasteignaskatts, og vatn er veitt í, skal greiða vatnsskatt. Einnig skal greiða vatnsskatt af öllum húsum, sem liggja að aðalæðum vatnsveitunnar, enda þótt þau noti ekki vatn frá vatnsveitunni. Skattinn skal einnig greiða af virðingarverði fastra véla, sem í húsinu eru, er þær eru vátryggðar ásamt því, enda noti þær vatn frá veitunni.

7. gr.

Af öllum húsum á Þingeyri, sem svo er ástatt um, sem getur í 6. gr. reglugerðar þessarar, skal greiða árlega vatnsskatt að upphæð 3% af fasteignamati. Þó skal lágmarksupphæð skatts af hverju íbúðarhúsi vera kr. 200.00 og hámark kr. 500.00.

8. gr.

Fyrir önnur vatnsnot skal greiða sem hér segir:

- a. Fyrir vatn til skipa kr. 10.00 á smálest.
- b. Af hverri smálest af innvegnum fiski í fiskiðjuver kr. 2.00.
- c. Af hverju tonni af mjöli í verksmiðju kr. 8.00.
- d. Af kælivatni vegna véla samkvæmt vatnsmæli, kr. 0.90 á tonn af fyrstu 1000 tonnum, en kr. 0.50 á tonn eftir það.
- e. Árgjald af hverri skrásettri bifreið kr. 50.00.
- f. Árgjald af hverjum nautgrip kr. 30.00.
- g. Árgjald af hverri sauðkind kr. 1.00.
- h. Fyrir hvern kjötskrokk í sláturhúsi kr. 0.12—1.00.
- i. Fyrir saltfiskþvott kr. 0.50 á smálest af fiski.

Fyrir önnur vatnsnot, en hér eru talin, greiðist hverju sinni eftir samkomulagi við vatnsveitustjóra.

9. gr.

Nú hrökkva eigi tekjur vatnsveitunnar fyrir gjöldum, og getur þá hreppsnefnd ákveðið, fyrir eitt ár í senn, að hækka vatnsskatt þennan um allt að 50%, án staðfestingar ráðuneytisins.

10. gr.

Skylt er manni að láta af hendi land sitt, landsafnot og mannvirki í þágu vatnsveitunnar, og þola þær kvaðir, óhagræði og takmörkun á afnotarétti, sem vatnsveitan kann að hafa í för með sér, enda komi fullar bætur fyrir samkvæmt mati, ef ekki næst samkomulag. Heimilt skal þó að tengja í þá brunna og þær æðar, sem til voru, áður en vatnsveitan varð til, án endurgjalds.

## 11. gr.

Gjaldár vatnsveitunnar er almanaksárið, og annast vatnsveitustjóri reikningshald, innheimtu og greiðslur vatnsveitunnar. Hreppsnefnd ákveður þóknun fyrir þau störf.

Gjalddagi á föstum vatnsskatti skal vera 1. júní ár hvert, og greiðist vatnsskatturinn í einu lagi fyrir liðandi ár. Vatnsskatt, sem miðaður er við starfrækslu, má krefja, þegar starfræksla hefur farið fram.

Húseigandi ber ábyrgð á greiðslu vatnsskatts húss síns. Vatnsskattinn má taka lögtaki, og er hann tryggður með lögveði í eigninni næstu tvö ár eftir gjalddaga, með forgangsveði fyrir hvers konar samningsveði eða aðfararveði.

## 12. gr.

Brot gegn reglugerð þessari varða sektum allt að 500 krónum, nema þyngri refsing liggji við að lögum. Með mál út af brotum á reglugerð þessari skal farið sem almenn lögreglumál.

Reglugerð þessi, sem samin er og samþykkt af hreppsnefnd Þingeyrarhrepps, staðfestist hér með samkvæmt vatnalögum, nr. 15 20. júní 1923, sbr. lög nr. 93 5. júní 1947, um aðstoð til vatnsveitna, til þess að öðlast gildi þegar í stað, og birtist til eftirbreytni öllum þeim, sem hlut eiga að máli.

*Félagsmálaráðuneytið, 6. janúar 1954.*

**Steingrímur Steinþórsson.**

*Hjálmar Vilhjálmsson.*

## REGLUGERÐ

um breyting á hafnarreglugerð fyrir Grundarfjörð, nr. 60 5. maí 1944.

## 1. gr.

37. gr. reglugerðarinnar orðist þannig:

### *Vörugjaldskrá.*

1. flokkur. Kol, salt og sement, kr. 15.00 fyrir hverja smálest.
2. — Útlendur áburður, kr. 20.00 fyrir hverja smálest.
3. — Verkaður og óverkaður saltfiskur, 20.00 fyrir hverja smálest.
4. — Nýr fiskur úr bátum, 1½% af aflaverðmæti.
5. — Slægður flatfiskur, fluttur úr höfn, kr. 15.00 fyrir hverja smálest.
6. — Frystur fiskur og fiskimjöl, kr. 25.00 fyrir hverja smálest.
7. — Saltkjöts- og oliutunnur, kr. 4.00 fyrir hverja tunnu.
8. — Tómar tunnur, kr. 1.00 fyrir hverja tunnu.
9. — Kinda- og stórgripakjöt, kr. 25.00 fyrir hverja smálest.
10. — Timbur, kr. 0.50 fyrir hvert teningsfet.
11. — Stórgripir, kr. 10.00 fyrir hvern grip.
12. — Kindur, kr. 5.00 fyrir hverja kind
13. — Allar aðrar vörur, sem reiknast eftir þyngd, kr. 2.00 fyrir hver 100 kg.
14. — Ýmsar vörur í stykkjatali, kr. 1.50 fyrir hvert stk.
15. — Olía dæld á tanka, kr. 15.00 fyrir hverja smál.
16. — Lýsistunnur, kr. 3.00 fyrir hverja tunnu.